



mjesečni Bilten

omladinska mreža bosne i hercegovine



maj
svibanj
2020.

252

Dragi prijatelji/ce,

Predstavljamo vam **majsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u maju	2
Planovi za juni	5
Aktivnosti članova mreže	6
Saopštenja/informacije/donatori/pozivi	12

Uživajte u čitanju!

AKTIVNOSTI ORC/HCA U MAJU 2020.

PR(A)VO LICE AKTIVIZMA – Nermin Topovčić #TvojGlasJeBitan

Dosljednost 'online aktivizmu' započinjemo u sklopu projekta CAT kroz novi VLOG projekat "PR(A)VO LICE AKTIVIZMA sa našom Eldom Lolić. Nju ste imali priliku upoznati, tokom karantenskih javljanja iz Eldinog doma, na našem Instagram live-u u emisiji "Aktivizam u doba Korone".



Gost prvog vloga je koordinator i idejni tvorac Kampanja #tvoiglasjebitan, koja u ovom trenutku broji preko stotinu članova. Šta oni planiraju ove godine da rade, saznaćete iz razgovora sa Nermin Topovčić. Zaprati nas i budi u toku sa aktivnostima, koje su VIŠE OD AKTIVIZMA. ❤️

CAT – Bosna i Hercegovina

Tokom mjeseca maja, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama, a ovog mjeseca počinjemo sa novim aktivnostima, kao što je aktivistički vlog, a uskoro počinjemo i sa snimanjem dokumentarnog filma, digitalnom akademijom i još mnogo zanimljivih aktivnosti. Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



Nagradna igra: CatVid20



Tokom mjeseca **aprila i maja** naše mačke su pokrenule nagradnu igru pod nazivom **CATVID20**: Snimi svoj dan u karantinu! Na našu e-mail adresu pristiglo je mnogo odličnih i veoma kreativnih videa od strane naših mladih pratitelja. U nastavku možete pogledati kako izgleda video i ko je mlada osoba koja je odnijela pobjedu i osvojila vrijedne nagradne. Prvo mjesto osvojio je Tarik Terzić, koji je dobio Huawei pametni sat, njegov video možete pogledati [ovdje](#). Drugo, treće i četvrto

mjesto, te CAT šolje i CAT puzzle osvojili su: Ismar Ajkunić, Edvin Kekić i Amir Havić.

Predstavljamo novog člana: Ammar: Moj aktivistički put krenuo je mnogo ranije, još u obdaništu

Ammar Grabić je dvadesetogodišnji student elektrotehnike tuzlanskog Univerziteta, sa stalnom adresom u Gradačcu.

Osim toga mladi novinar, aktivista, folkloras i zaljubljenik u muziku i ples. Strast zadovoljava kroz putovanja, druženja i uspostavljanje novih prijateljstava.

Najveći prioriteti u Ammarovom životu kako kaže su svakako porodica, zatim dolaze bliski prijatelji, a onda i obrazovanje u svakom obliku!

“Poseban hobi nemam, a svoje slobodno vrijeme ispunjavam aktivizmom i volontiranjem, pa za ostale stvari i nemam puno vremena.”



Kako je izgledao tvoj početak u aktivizmu?

“Smatram da je moj aktivistički put krenuo mnogo ranije, još u obdaništu. Zašto? Aktivizam gledam kao lični doprinos zajednici i angažmanom u bilo kojem pogledu, kulturi, sportu, umjetnosti, zaštiti okoline ili pak zagovaračkim akcijama. U svim događajima u kojima sam bio uključen kroz svoj dosadašnji životni put trudio sam se da dam svoj maksimum da bi oni bili što bolji. Moja „ozbiljnija“ priča je krenula u srednjoj školi, tačnije u februaru 2017. godine. U sklopu redovne nastave, moj razred je trebao odabrati problem koji je izražen u našem gradu i ponuditi prijedloge njegovog rješenja. Promatrajući lokalnu zajednicu uočili smo problem provođenja slobodnog vremena mladih u dekadentnim prostorima, poput kafića i kladionica, i tako je nastao projekat pod nazivom “Volontiranjem do napretka”. Postepeno smo krenuli u uključivanju cijele zajednice, prije svega nadležne lokalne službe, medija pa i građana, na osnovu toga su mi se otvorila vrata za dalje aktivnosti. Bio sam polaznik obuke “Uči, Misli i Djeluj” koju sprovodi Institut za razvoj mladih KULT, a sada već ponosno mogu reći da sam postao certifikovani omladinski lider. Rezultat toga je bila inicijativa “Čista okolina, zdrava lokalna sredina!”, koju smo

implementirali u saradnji sa lokalnim udruženjem "KULT", a koju smatram ključnom, odnosno prijelomnom tačkom u mom opredjeljenju za dalji angažman. Nakon toga su se redali projekti jedni za drugim, a trenutno sam aktivan u Omladinskoj novinskoj asocijaciji u BiH (ONAuBiH), gdje sam član Upravnog odbora i koordinator omladinskog magazina „Karika“, kao i član UO u Vijeću mladih TK, te dio studentskog vijeća svog fakulteta.”

Od silnih projekata/seminara/razmjena na kojima si učestvovao/organizovao, navedi jedan koji će ti ostati u posebnom sjećanju?

Kao što sam i prije naveo, mnogo toga je bilo što me je oduševilo, ali bih na prvo mjesto stavio UMID! Jednogodišnja obuka koja me je naučila neophodnim tajnama bitnim za omladinski aktivizam, koje i dan danas imaju svoju primjenu u mom radu. Između ostalog, naučio sam predvoditi i biti dio tima, projektovati, odgovorno upravljati resursima i sve to opravdati.

Neformalna vs formalna edukacija?

Ne pravim razliku između ova dva načina organizovanja obrazovanja, jer mi je bitno da ono što se obrađuje i što se radi bude kvalitetno odrađeno, a ne da to bude samo „forme radi“. Zbog toga se prvo informišem o obuci i nalazim li se ja u tome. Ali, ako već moram birati, izabrao bih neformalnu edukaciju, zbog spontanosti, inovativnosti i originalnosti.

Ammar je odnedavno započeo svoj angažman u Omladinskom resursnom centru Tuzla. Njegova očekivanja od CAT-a i ORC Tuzla, kako navodi su velika, jer je to novi izazov za njega, originalan u svakom pogledu, a samim tim postao je i prepoznatljiv brend u našem okruženju.

“Očekujem da će i mene izbaciti iz moje komfort zone i uvesti u nove avanture spoznaje, druženja i digitalnog aktivizma!” – Ammar Grabić

NAJAVA: Uskoro nova Emisija na CAT BiH, gost Adi Selman

Na našim društvenim mrežama uskoro započinje emisija koju će voditi naša članica Mirela Biković. Emisija za cilj ima promociju uspješnih mladih ljudi, prvi gost bit će upravo Adi Selman, predsjednik VMGT i prije svega veliki aktivista u našem gradu. Ono po čemu će se emisija razlikovati u moru ostalih jeste njen pristup intervjuu, koji je apsolutno drugačiji, te će se odvijati u automobilu. Pratite naše društvene mreže za više informacija.



Posjeta predsjedniku Skupštine Tuzlanskog kantona

Mladi iz Omladinskog resursnog centra Tuzla imali su priliku da posjete i razgovaraju sa predsjednikom Skupštine Tuzlanskog kantona, Žarkom Vujovićem. Mladi su imali priliku da razgovaraju sa Žarkom o aktivnostima mladih, izlasnosti mladih na izbore, te položaju mladih na političkoj sceni u Bosni i Hercegovini.



REDOVNE AKTIVNOSTI ORC I HCA TUZLA

Tokom maja radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JUNI 2020.

- Početak novog ciklusa CAT – Građani protiv terorizma. U okviru ovoga, tokom sljedećih šest mjeseci, uradićemo sljedeće: Digitalna akademija za mlade o online aktivizmu; Trening za mlade iz Prijedora, Bijeljine i Mostara o ulučnim kampanjama, snimanje TV emisija na RTV 7, snimanje dokumentarnog filma o Muftiji Kurtu, konferencija za mlade o digitalnom i omladinskom aktivizmu i još mnogo toga, o čemu ćemo vas obavijestiti na vrijeme
- Aktivnosti u okviru ALF Mreže BiH koje su odložene zbog COVIDa-10, održaćemo u narednom periodu. Tu prije svega mislimo na promotivne aktivnosti, webinare ali i pripreme za organizovanje Skupštine ALF BiH.



Pružanje tehničke, administrativne i savjetodavne podrške kampanji mladih u BiH: #tvojpglasjebitan. “Kampanja #tvojpglasjebitan predstavlja svojevrsnu reakciju na procenat izlaznosti građana na prostoru cijele Bosne i Hercegovine na izbore iz 2018. , nestranački orijentisanu, usmjerenu na pozitivnu retoriku i moderne načine komunikacije i marketinga.”

Kampanja je do sada okupila oko **200 mladih ljudi širom BiH**, a i regiona svjesnih kritične situacije te voljnih da urade nešto po tom pitanju.

Više informacija o aktivnostima unutar kampanje u narednom periodu

AKTIVNOSTI ČLANICA OMLADINSKE MREŽE BiH



Udruženje građana "C.E.Z.A.R" Srbač


Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

"You Can – Youth Can; Community Focused Youth Leadership

Projekat „You Can – Youth Can; Community Focused Youth Leadership“ realizuje se u saradnji sa Agencijom Cerebra iz Banja Luke, zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM). Prva dva modula projekta održana su početkom godine, dok su treći i četvrti modul održani online putem Zoom aplikacije. Mladi iz Srpcu usvojili su nova znanja o projektnom menadžmentu, procesima učešća mladih u donošenju odluka, kao i mobilnosti, a osim u Srpcu, projekat se realizuje u Čelincu, Kotor Varoši, Kneževu i Banja Luci.



"Volim Srbač"

27.05.2020. godine potpisan je ugovor sa Fondacijom Mozaik za projekat "Volim Srbač". U pitanju je projekat koji podrazumijeva turističku promociju Srpcu, postavljanjem 3D natpisa na nekoliko lokacija u gradu, kako bi se povećala turistička prepoznatljivost i dao doprinos uljepšavanju lokalne zajednice. Paralelno sa radnim akcijama, održavaće se kampanja #volimsrbac, u koju će biti uključeni volonteri Lokalnog volonterskog servisa i ostali članovi Udruženja građana Cezar.



Institut za
razvoj mladih KULT

Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: kult@mladi.org, web:www.mladi.org

Poboljšanje ljudskih prava u bh. Privrednom sektoru



Za razliku od volontiranja, vrlo rijetko se susrećemo s korporativnim volontiranjem, samo iz razloga jer ove pozitivne priče često ostanu neispričane. Iako u BiH postoje primjeri korporativnog volontiranja, zbog nepostojanja systemske podrške u razvoju ovog oblika volontiranja i promocije dobrih praksi preduzeća ponekad nisu ni svjesna vlastitog doprinosa razvoju svoje zajednice. Zbog toga je **Institut za razvoj mladih KULT** pokrenuo online platformu volontiraj.ba za systemsku podršku i promociju korporativnog volontiranja.

Korporativno volontiranje je vrsta društvenog angažmana koji planiraju, organiziraju i izvršavaju zaposlenici preduzeća, a koji odobrava i potiče menadžment preduzeća. Za vrijeme korporativnog volontiranja zaposlene osobe provode jedan ili više redovnih radnih dana volontirajući, odnosno obavljajući zadatke za dobrobit društva, a poslodavci takve dane tretiraju kao redovne radne dane, pri tome ne umanjujući naknadu ili slobodan dan zaposlenicima koji su korporativno volontirali. Na ovaj način preduzeća iskazuju društvenu odgovornost i bolje upoznaju okruženje u kojem posluju.

Platforma volontiraj.ba omogućava udruženjima da predstavljaju aktuelne projekte u kojima im je potrebna pomoć korporativnih volontera, a preduzeća u skladu sa svojim znanjima i mogućnostima će im moći pružiti podršku i na taj način iskazati svoju društvenu odgovornost i brigu za zajednicu. Registracija je besplatna i za udruženja i za preduzeća.

Platforma volontiraj.ba kreirana je u okviru inicijative „Poboljšanje ljudskih prava u privrednom sektoru u BiH“, koju provodi Institut za razvoj mladih KULT u saradnji s Udruženjem poslodavaca FBiH i uz podršku Evropske Unije.

Video o korporativnom volontiranju dostupan je na [ovom](#) linku.

Izdvojeno 20.000 KM za podršku inicijativama mladih

Institut za razvoj mladih KULT potpisao je ugovore sa udruženjima „Menssana“ iz Sarajeva, „Iskoristi dan – Carpe diem“ iz Ilijaša i „Green team“ iz Novog Grada, čime je izdvojeno skoro 20.000 KM za podršku inicijativama mladih.

Potpisivanje ugovora održano je online zbog još uvijek aktivnih mjera u cilju sprječavanja širenja pandemije koronavirusa.

Udruženje za zaštitu mentalnog zdravlja „Menssana“ kroz projekat „Mentalno zdravlje u kadru“ želi pomoći prevazilaženje adolescentne krize kod mladih. Predsjednik ovog udruženja, Remzija Šetić, napominje da mi imamo dobar sistem podrške,



ali da roditelji i profesionalci koji rade s mladima vrlo često nisu upoznati sa svim mogućnostima koje nam se pružaju. Oni će kroz svoju inicijativu producirati film i prikazati kako izgleda prolazak kroz adolescentnu krizu mlade osobe i kako se to odražava na njen život, u školi, porodici i društvu. Cilj je senzibilirati javnost, a posebno profesionalce koji rade s mladima, naročito u obrazovnom i društvenom sektoru.

Mirela Kurtović iz Omladinske organizacije "Iskoristi dan – Carpe diem" napominje da će se njihova inicijativa provoditi u još dvije zajednice pored Ilijaša, a to su Foča i Goražde. Oni svojom inicijativom žele doprinijeti povećanju svijesti kod mladih o važnosti recikliranja, ali i odgovornog ponašanja prema životnoj sredini. Identifikovali su da naše društvo prekomjerno koristi papir i plastiku, a pri tome ih neadekvatno odlažu, čime se otežava postupak recikliranja. U saradnji sa osnovnim i srednjim školama, ali i omladinskim udruženjima educirat će mlade o načinima recikliranja i motivirati ih da se i u budućnosti odgovorno odnose prema životnoj sredini. U dvorištima škola postavit će kontejnere za selektivno odlaganje otpada, kako bi ubrzali i olakšali proces recikliranja.

I "Green team" iz Novog Grada će brinuti o životnoj sredini. Međutim, pored toga oni žele educirati mlade o procesima javnog zagovaranja i pokretanja inicijativa prema nadležnim donosiocima odluka. Prema njihovom istraživanju u najmanje posljednjih 5 godina nijedna inicijativa nije upućena prema Skupštini Opštine Novi Grad od strane mladih. Razloge u tome vide zbog neupućenosti mladih kako da iniciraju svoje zahtjeve, odnosno jer nemaju adekvatne resurse. Uspostavljanjem prostora za mlade, za koji su već dobili dozvolu od lokalnih vlasti, omogućit će umrežavanje mladih i kreiranje novih ideja. Uz adekvatnu edukaciju mladi će naučiti kako da adresiraju svoje potrebe i upute inicijative prema nadležnim donosiocima odluka. Mario Crnković, predsjednik ovog udruženja dodao je da oni kroz svaku svoju aktivnost jednostavno moraju uvrstiti brigu o životnoj sredini, a tako će biti i ovaj put jer će prostor za mlade biti "eco-friendly" i nazvat će ga Eko kutak.

Institut za razvoj mladih KULT ponosan je na mlade, koji su unatoč svim problemima koji nas okružuju u posljednje vrijeme, pronašli energiju i želju da nastave unaprjeđivati svoje lokalne zajednice. Podršku Institutu u provođenju ovih inicijativa pruža Ambasada Švedske u Bosni i Hercegovini.

Inicijativa #darujzanastavku nastavljena i tokom maja



Institut za razvoj mladih KULT u saradnji sa 20-tak lokalnih partnera nastavio je sa inicijativom **#darujzanastavu** i u maju mjesecu. Zahvaljujući podršci Ambasada Švedske u BiH osigurano je 180 uređaja, a uz podršku i ostalih donatora i partnera osigurano je dodatnih oko 70 uređaja.

Uposlenici Instituta tokom maja posjetili su Bileću, Novi Grad i Bužim, a u narednim danima i preostala oprema bit će isporučena na adrese učenica i učenika iz porodica slabijeg imovinskog stanja i u 20 drugih zajednica širom BiH.

Inicijativa #darujzanastavu kroz brojeve:

- Više od 750 upita za opremom pristiglo na adrese Instituta i lokalnih partnera;
- Uručeno oko 600 uređaja u 26 lokalnih zajednica u BiH;
- Uspostavljena 22 lokalna punkta za primopredaju opreme;
- Vrijednost donirane opreme preko 200.000 KM.

Pravo na obrazovanje pripada svima i zbog toga bi svi učenici morali imati osiguranu tehničku opremu za praćenje online nastave. Uručena oprema ostaje u trajnom vlasništvu učenika kako bi im olakšala savladavanje nastavnih cjelina i po povratku u školske klupe, a s druge strane kako bi učenici usavršili svoju informatičku pismenost.

**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac**Dnevne radionice**

Omladinska organizacija Svitac je nastavila sa svakodnevnom online aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Nakon što je Vlada Brčko distrikta proglasila vanrednu situaciju, Omladinska organizacija Svitac je odložila sve aktivnosti u Omladinskom centru Brčko distrikt sa grupama učesnika, zbog preventivnog djelovanja i sprečavanja pojave širenja korona virusa kao i zbog vanredne situacije i obustave nastave u svim osnovnim i srednjim školama kao i visokoškolskim ustanovama. Nakon donesene odluke rad smo ubrzo nastavili online sa roditeljima i učesnicima kroz grupe na društvenim mrežama. Mlađi učesnici su radili kreativne i edukativne stvari na online radionicama

prilagođene uzrastu uz pomoć lokalnih i međunarodnih volontera. Ovaj mjesec su radili: ježa i psića od papira, leptire i cvijeće od papira, slona od kartona, pjesme o prijateljstvu i kišnom danu, proljeće u parku, razne oblike od običnog tijesta, koje su potom obojili vodenim bojicama, te su nastavili pisanje i crtanje brojeva od 1-10 i crtanje osnovnih oblika iz geometrije. Nastavili su vježbati abecedu; vježbali su pisanje slova Lj i učili kako napisati slova M, N, i Nj, riječi koje počinju tim slovima, te su crtali pojmove koji počinju na određeno slovo. Na muzičkim radionicama su radili u kompjuterskom programu „Music lab“, koji je predviđen za njihov uzrast i za kreativni razvoj muzikalnosti te su učili i pjesmicu o higijeni. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.



Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. U toku mjeseca smo radili diskusije na temu hobiji / sakupljanje određenih predmeta, književnost i šta trenutno čitaju. Tražili smo da nam uz pomoć gifa kažu kako se osjećaju i šta će biti prva stvar koju će uraditi sa prijateljima nakon izolacije. Ovaj mjesec smo pokrenuli i mini online projekat, u kojem svaki učesnik kaže na jeziku koji sam izabere „Sloboda je skupa“. Na ovaj način želimo skrenuti pažnju da nismo ni svjesni koliko nam naša sloboda znači i da često zaboravimo male stvari, koje naš život čine ljepšim i potpunijim. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti su održane online.

Radionice gitare

Učesnici radionice gitare su nastavili sa on-line radionicama. Trenutno se sa svakim učesnikom radi po sat vremena, dva puta sedmično, a održavaju se kontakti i komunikacija i mimo dogovorenih termina. Videozapisi koji su podijeljeni na oficijelnoj Facebook stranici Omladinske organizacije Svitac su sljedeći: Biljana platno beleše, Prelude (D. Bogdanović), Etidea broj 1 (Leo Brouwer) i Semplice (Carlo Domeiconi).

Radionice sambe

Učesnici ove radionice su rad prebacili u on-line model. Aktivnosti su uključivale pripremu, pregled i dijeljenje kratkih edukativnih video klipova na Facebook stranici grupe. Video klipovi su u produkciji njemačko-francuske TV stanice ARTE. Besplatni za gledanje i dijeljenje, obrazovnog su i zabavnog karaktera. Obuhvataju teme kao što su: prokrastinacija, umjetna inteligencija, pop-kultura, subkultura, fotografija i muzika. Učesnici su takođe motivisani da putem kratkog pokaznog snimka pokušaju napraviti surdo malete (palice) koristeći predmete iz svoje neposredne okoline.

Međunarodni dan porodice

Omladinska organizacija Svitac je 15.05. obilježila Međunarodni dan porodice kroz online radionicu za učesnike uzrasta 4-7 i 13 godina. U videu, koji je snimila naša volonterka Zorana, pročitali smo pjesmu „Dom“ i poslali poruku o važnosti porodice u našem životu. Cilj aktivnosti bio je razviti sposobnost percipiranja, kreativnosti i mašte i njegovati porodični odnos. Učesnici su potom nacrtali slike svojih porodica i poslali nam njihove crteže.



Grupa od 15+ poslala nam je svoje motivacione poruke o važnosti porodice i o tome šta im ona znači.

Svjetski dan kulturne raznolikosti za dijalog i razvoj

U novembru 2001. godine, Generalna skupština UNESCO-a je usvojila Univerzalnu deklaraciju o kulturnoj raznolikosti i proglasila 21. maj Svjetskim danom kulturne raznolikosti za dijalog i razvoj. Kulturna raznolikost bi trebala biti pokretačka snaga razvoja koja se zasniva na toleranciji, međusobnom poštovanju, razumijevanju i prihvatanju. Omladinska organizacija Svitac je ovaj dan obilježila kroz online radionicu sa učesnicima uzrasta 4-7 godina i 15+. Sa mlađim drugarima smo razgovarali o zanimljivim činjenicama i različitosti između Bosne i Hercegovine i Velike Britanije i na taj način pokušali približiti različite kulture i običaje. Grupa uzrasta 15+ nam je poslala svoje poruke o zemljama u koje bi željeli putovati i i zašto ih privlači baš ta kultura.

Koliko drugačiji, tako slični, koliko udaljeni, tako bliski!

ECO – projekat

Sa Eco timom smo u redovnom kontaktu kroz društvene mreže, ali zbog trenutne situacije grupni rad i okupljanje u većim grupama nije bio moguć. Sve planirane aktivnosti su pomjerene za vremenski period nakon ublažavanja restrikcija.

Za jun se planira nastavak svih aktivnosti Omladinske organizacije Svitac (online i nadamo se u Omladinskom centru).



INFORMACIJE / DONATORI / POZIVI

Youth4Regions- Program za mlade novinare



Rok za prijavu: 13. jul/srpanj 2020. Godine

Youth4Regions je program Evropske komisije koji pomaže studentima novinarstva i mladim novinarima da otkriju šta EU čini u njihovoj regiji.

Prednosti

- Treninzi o novinarstvu i regionalnoj politici EU,
- Šansa za mentorstvo od etabliranih novinara iz vaše zemlje,
- Raditi rame uz rame sa poznatim novinarima tokom Sedmice EU regija,
- Posjeta medijskim sjedištima EU za pitanja i institucije EU,
- Jedinstvena prilika da sudjeluje kao novinar u novinarskim putovanjima Evropske komisije u države članice, i
- Troškove smještaja i putovanja pokriva Evropska komisija.

Šta se traži?

- Interesuje vas šta regionalna politika EU radi u vašoj regiji,
- Pozadina novinarstva (studije ili do 2 godine iskustva),
- Državljanin EU ili susjedne zemlje starosti od 18 do 30 godina, i
- Dostupnost od 11. do 16. oktobra/listopada.

Kriteriji

Kriteriji za prijavu su:

- Državljanstvo EU ili susjedne zemlje, uzrasta od 18 do 30 godina i pokazivanje istinskog interesa za novinarstvo kroz studije i / ili radno iskustvo. Prijave bivših učesnika se ne prihvataju.
- Zemlje kandidati za EU (Albanija, Makedonija, Crna Gora, Srbija, Turska), potencijalni kandidati (Bosna i Hercegovina i Kosovo) i zemlje ENI (Alžir, Egipat, Izrael, Jordan, Liban, Libija, Maroko, Palestina, Sirija i Tunis, as kao i Armenija, Azerbejdžan, Bjelorusija, Gruzija, Moldavija i Ukrajina).
- Kriterije ispunjavaju samo kandidati koji imaju najmanje 2 godine od diplomiranja (računato do trenutka zatvaranja roka za prijavu).
- Trebate poslati kratki članak (400-1000 riječi) ili kratku video reportažu (2 – 3 minute) sa projektom koji sufinansira Evropski fond za regionalni razvoj (uključujući Interreg) ili Kohezijski fond. Tema je vaša da je odaberete.
- Komisija pokriva putovanja i smještaj. Većina obroka osigurana je i tokom programa u oktobru/listopadu.

Više informacija:

https://ec.europa.eu/regional_policy/en/policy/communication/youth4regions

Grantovi Vlade Japana

Vlada Japana je prvi put 1989. godine pokrenula program pomoći pod nazivom "Grass Roots Projects (GAGP)", temeljni projekti, kao dodatak Generalnom programu pomoći vlade Japana. Od 1996 godine preko 180 projekata u ukupnom iznosu od cca. 10 miliona EUR / 19 miliona KM je implementirano u Bosni i Hercegovini u okviru GAGP programa.

Iako obje sheme imaju za cilj pružanje pomoći zemljama u razvoju u namjeri da im pomogne da zadovolje osnovne ljudske potrebe i riješe socijalno-ekonomske izazove, GAGP je fokusiran na podršku lokalnim zajednicama, odnosno direktno stanovništvu.

U okviru GAGP grantovi se dodjeljuju javnim institucijama (općinama i općinskim javnim poduzećima), osnovnim školama, domovima zdravlja ili organizacijama civilnog društva koje sprovode relativno male projekte.

Prioriteti

Unutar programa GAGP Japan podržava širok spektar projekata koji se baziraju na osnovne ljudske potrebe, kao i koji se baziraju na sigurnost. U Bosni i Hercegovini većina projekata koji se implementiraju unutar GAGP spada u sljedeće kategorije:

- Pomoć aktivnostima za deminiranje
- Javno zdravstvo
- Obrazovanje
- Socijalna zaštita
- Ruralni razvoj

Aplikanti

Prihvatljivi aplikanti su: javne institucije (općine i općinska javna poduzeća), osnovne škole, domovi zdravlja i lokalne i međunarodne organizacije civilnog društva

Neprihvatljivi aplikanti su: fizička lica, organizacije centralne vlasti (prihvatljivi samo u izuzetnim slučajevima) obdaništa, istraživački instituti, institucije višeg obrazovanja, bolnice, političke organizacije, vjerske ustanove.

Grant

GAGP finansira izgradnju i/ili nabavku opreme i/ili materijala. Svi predloženi materijali, oprema i usluge, treba da budu nabavljeni od domaćih dobavljača.

Grantovi isključivo pokrivaju troškove nabavke robe/usluga bez PDV-a.

Administrativni i operativni troškovi nisu prihvatljivi.

Maksimalan iznos raspoloživih sredstava po projektu je 10 miliona JPY (približno 80,000.00 EUR-a ili 156,000.00 KM), osim za projekte pomoći aktivnostima za deminiranje gdje maksimalan iznos granta može biti veći od 10 miliona JPY.

GAGP neće pružiti finansijsku potporu za projekte kao što su kulturno sportski događaji, aktivnosti vezane za biznis, niti za aktivnosti koje se odnose na religiju.

Podnošenje aplikacije i procedure koje treba da se slijede

Dostava aplikacije

Aplikacija se ispunjava na lokalnom ili engleskom jeziku, te dostavlja putem pošte na adresu ambasade: Bistrik 9, 71 0000 Sarajevo. Aplikacija se može dostaviti tokom cijele godine.

Provjera i odobravanje

Po primitku aplikacije, Ambasada Japana provjerava cilj, troškove i očekivani socijalno-ekonomski pozitivni uticaj projekta. Za sve projekte koji su uzeti u razmatranje Ambasada će napraviti pred-selekciju onih projekata koji odgovaraju ciljevima GAGP i osoblje Ambasade će upriličiti posjetu potencijalnom

projekt području. Ambasada će ih predložiti Ministarstvu inostranih poslova Japana koje je krajnja institucija koja odobrava projekte.

Grant Contract (G/C) – Grant ugovor

Po konačnom odobrenju, ambasada Japana i organizacija koja prima pomoć će zaključiti ugovor (G/C) koji uključuje naziv, cilj i sadržaj projekta, naziv organizacije primaoca pomoći, visinu iznosa koji će biti obezbjeđen putem GAGP i stavke o ispravnom utrošku sredstava.

Trošenje sredstava

Nakon toga, korisnik granta će zaključiti ugovor o nabavci (P/C) za robu i/ili usluge sa dobavljačem. Ambasada će pregledati P/C (ili dokaz/predračun) da bi ustanovila da li je ista odgovarajuća.

U načelu trajanje projekta (vrijeme neophodno za nabavku robe i /ili usluga) bi trebalo biti do jedne godine dana.

Izvještavanje

Ambasada će tražiti od primaoca GAGP granta da pripremi i dostavi izvještaj o stanju projekta i to dva puta ukoliko se radi o standardnom projektu, a ukoliko je obim projekta veći broj traženih izvještaja će biti veći. Osoblje Ambasade može posjetiti mjesto projekta da bi se uvjerilo da se sredstva koriste za namjenu za koju su odobrena.

Više informacija: <http://www.bosnia.emb-japan.go.jp/BHS/EconomicGAGP.html>

Prijava za učešće u online kursu: digitalna obrada slike i video zapisa

Northwestern Univerzitet poziva zainteresovane kandidate iz cijelog svijeta da se prijave za učešće u besplatnom online kursu, na temu digitalne obrade slike i video zapisa.

OBLAST:

Digitalna obrada slika i video zapisa

OPIS:

Besplatni, online kurs u trajanju od 33 sata, učesnicima pruža priliku da od profesora Aggelos K. Katsaggelosa nauče osnovne principe i oruđa koja se koriste u obradi slika i video zapisa i način na koji se isti koriste u svrhu rješavanja praktičnih problema u oblasti trgovine ili nauke.

USLOVI:

Kandidati iz cijelog svijeta mogu da se prijave za učešće u kursu. Neophodan je visok nivo znanja engleskog jezika.

NAČIN PRIJAVE

Da bi se prijavili za učešće u kursu, kandidati su u obavezi da posjeduju visok nivo znanja engleskog jezika. Registracija i prijava za kurs se vrši putem sledećeg linka: <https://www.coursera.org/learn/digital?action=enroll...>

ROK ZA PRIJAVU:

U toku

Detaljnije na: <https://www.coursera.org/learn/digital>

Lonac PRO: Tražimo voditeljicu ili voditelja Startup studija u Bihaću i Banjaluci!

U Startup studiju Fondacije Mozaik vjerujemo da postoje mladi koji, unatoč situaciji kod nas, mogu postići dobre i odgovorne poslovne rezultate. Aktivno tražimo takve mlade sa kojima zajedno

pokrećemo biznise, dijelimo rizik i za svakog pojedinačno obezbjeđujemo profesionalnu i finansijsku podršku.



Ako smatraš da nam svojim idejama i vještinama možeš pomoći pronaći poduzetne mlade s kojima ćemo pokrenuti desetine novih biznisa godišnje, prijavi se za poziciju voditeljice ili voditelja Startup studija u Bihaću ili za istu poziciju u Startup studiju u Banjaluci!

Nudimo:

rad u iznimno dinamičnom i profesionalnom timu;
učešće na domaćim i međunarodnim događajima;
rad iz Startup studija u centru grada (u Bihaću zgrada Gradske uprave, Bosanska 4, a u Banjaluci Čajevčev neboder, Veselina Masleše 1)
angažman od početka jula 2020. godine.

Šta ćeš raditi?

Voditi Startup studio u Bihaću ili Banjaluci.

Osmišljavati i planirati događaje (prezentacije, treninge i sl.) koji će biti korisni startup poduzetnicama i poduzetnicima.

Prilagođavati i dopunjavati prostor Studija u skladu s potrebama korisnika.

Koordinirati svoje aktivnosti sa timom iz lonac.prozajednice kako biste zajedno za mlade stvorili i ponudili što više poduzetničkih prilika i znanja.

Brinuti za logistiku i ugodnu atmosferu u prostoru.

Ovako zamišljamo idealnu osobu za ovaj posao:

Vedrog si duha i znaš da ništa nije nerješivo.

Posjeduješ uspješne prodajne vještine i proaktivna si.

Prepoznaješ prilike i ne očekuješ od drugih da ti kažu šta trebaš raditi.

Znaš saslušati i animirati ljude, posebno mlade s kojima ćeš provoditi najviše vremena.

Voliš razgovarati i družiti se s ljudima, ali znaš prepoznati kada je nekome potreban mir.

Savršenog planiranja nema, pa su fleksibilnost i brzo prilagođavanje situaciji tvoja najveća vrlina.

Stalo ti je do ambijenta u kojem radiš, zato brineš da je prostor insprativan, uredan i čist.

Za prvi korak ne treba nam tvoj CV, niti nas zanima tvoja formalna edukacija. Zanima nas da li znaš raditi ovaj posao i koliko imaš relevantnog iskustva.

Da bismo to saznali, molimo te da odgovoriš na pitanja ispod i da svoje odgovore u PDF-u pošalješ na posao@mozaik.ba, najkasnije do 10.6.2020. godine do 23:59.

Naznači u naslovu e-maila da li se prijavljuješ za poziciju u Bihaću ili Banjaluci, npr. "Startup studio Bihać".

CV ćemo tražiti od kandidatkinja čije iskustvo nam se učini relevantnim, a nakon toga proces selekcije se nastavlja.

lonac.pro

Poziv osobama od 18 do 30 godina da se priključe mreži mladih lidera BiH**Šta je BOLD?**

BOLD je projekt Američke ambasade u BiH kojim se mladim ljudima u dobi od 18 do 35 godina širom BiH pružaju prilike da postanu lideri. BOLD lideri provode projekte u svojim zajednicama i podržavaju se međusobno u njihovim naporima da postignu pozitivne promjene. Američka ambasada podržava BOLD

lidere nudeći obrazovne i kulturne razmjene u SAD, radionice i obuke u BiH, inicijalno finansiranje za projekte, te angažman i povezivanje sa istomišljenicima.

Akadska razmjena

Ako imate ideju o tome kako napraviti promjene u svojoj lokalnoj zajednici na teme društvenog ili ekonomskog razvoja, te imate između 18 i 25 godina, onda je Akadska razmjena program za vas! 10 učesnika iz cijele BiH će ići na razmjenu na 5 sedmica u kampusu u SAD.

Profesionalna razmjena

Mladi profesionalci, u dobi od 25 do 35 godina, dobit će priliku da rade zajedno sa stručnjacima iz iste oblasti i dobiju intenzivnu lidersku obuku kako bi pomogli razviti projektne ideje za unaprjeđenje ekonomije i zajednica u cijeloj BiH. Odabrani kandidati će ići na obuku u SAD u trajanju od 5 sedmica.

Natječaji za dodjelu grantova

Tražimo najbolje projekte, velike ili male, koji će imati najviše uticaja i pokrenuti najveću promjenu u lokalnim zajednicama.

Aktivne radionice

BOLD Aktivne radionice okupljaju mlade lidere iz cijele zemlje kako bi sarađivali na projektima idejama s ciljem unaprjeđenja zajednica i ekonomije u BiH.

Dodatne informacije [ovdje](#)



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*Urednik Biltena:
Mirela Biković*

*Prevod Biltena na engleski: **Emir Karamujić***

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*